



UNDANG-UNDANG MALAYSIA

VERSI DALAM TALIAN TEKS
CETAKAN SEMULA YANG KEMAS KINI

Akta 36

AKTA (PEMERBADANAN) *SYNOD* *DIOCESE* MALAYSIA BARAT 1971

Sebagaimana pada 1 Disember 2018

**AKTA (PEMERBADANAN) *SYNOD DIOCESE*
MALAYSIA BARAT 1971**

Tarikh Perkenan Diraja 30 Ogos 1971

Tarikh penyiaran dalam *Warta* 2 September 1971

CETAKAN SEMULA YANG TERDAHULU

Cetakan Semula Yang Pertama 1993

Cetakan Semula Yang Kedua 1999

UNDANG-UNDANG MALAYSIA**Akta 36****AKTA (PEMERBADANAN) *SYNOD DIOCESE*
MALAYSIA BARAT 1971**

SUSUNAN SEKSYEN

Seksyen

1. Tajuk ringkas
2. Perbadanan, dsb.
3. Meterai perbadanan bagi Perbadanan, dsb.
4. Pindah hak milik harta tertentu
5. Pemansuhan

UNDANG-UNDANG MALAYSIA

Akta 36

AKTA (PEMERBADANAN) *SYNOD DIOCESE* MALAYSIA BARAT 1971

Suatu Akta bagi memperbadankan *Synod Diocese* Malaysia Barat.

[*Semenanjung Malaysia—3 September 1971*]

BAHAWASANYA pada 8 April 1970 *Synod Diocese* Malaysia Barat telah ditubuhkan di Malaysia mengikut kuasa yang diberikan oleh *Archbishop of Canterbury*, sebagai *Metropolitan* yang mempunyai bidang kuasa mengenai Mazhab *Anglican* dalam Semenanjung Malaysia:

DAN BAHAWASANYA *Synod Diocese* Malaysia Barat berhak menerima faedah dari harta alih dan harta tak alih tertentu dalam Semenanjung Malaysia yang pada masa ini terletak hak pada Setiausaha *Synod Diocese* Singapura yang ditubuhkan di bawah Ordinan *Synod Diocese* Singapura 1958 [*Ord. 67 tahun 1958*]:

DAN BAHAWASANYA adalah suai manfaat diperbadankan *Synod Diocese* Malaysia Barat dan penggantinya:

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas

1. Akta ini bolehlah dinamakan Akta (Pemerbadanan) *Synod Diocese* Malaysia Barat 1971.

Perbadanan, dsb.

2. (1) *Synod Diocese* Malaysia Barat dan penggantinya hendaklah menjadi suatu pertubuhan perbadanan dan hendaklah kekal turun-temurun dengan nama “*Synod Diocese* Malaysia Barat” kemudian daripada ini disebut Perbadanan dan hendaklah menjadi badan yang berkuasa mentadbirkan Mazhab *Anglican* dalam Semenanjung Malaysia.

(2) Perbadanan boleh membuat kontrak dan boleh memperoleh, membeli, mengambil, memegang dan menikmati apa-apa jenis harta alih dan harta tak alih dan boleh memindahhakkan, memindahkan hak milik, menyerahkan, menyerahkan balik dan memulangkan, menggadaikan, menggadaikan, mendemis, menyerahkan semula atau secara lain melupuskan atau membuat apa-apa urusan mengenai, apa-apa harta alih atau harta tak alih yang terletak pada Perbadanan dan boleh meminjamkan atau meminjam wang mengikut syarat yang difikirkan patut oleh Jawatankuasa Tetap Perbadanan, kemudian daripada ini disebut Jawatankuasa Tetap, dan minit Jawatankuasa Tetap itu adalah menjadi keterangan yang cukup mengenai syarat tersebut.

(3) Perbadanan boleh membawa guaman dan dibawa guaman terhadapnya mengenai hartanya dan selainnya dalam semua mahkamah keadilan dan mengenai semua perkara dan guaman.

Meterai perbadanan bagi Perbadanan, dsb.

3. (1) Perbadanan hendaklah mempunyai suatu meterai perbadanan, dan meterai itu bolehlah dari semasa ke semasa dipecahkan, ditukar, diubah dan dibuat baharu sebagaimana yang difikirkan patut oleh Jawatankuasa Tetap.

(2) Meterai Perbadanan tidak boleh dicapkan pada apa-apa surat ikatan, suratan atau surat cara lain kecuali mengikut kuasa suatu ketetapan Jawatankuasa Tetap dan di hadapan dua orang ahli Jawatankuasa Tetap, seorang daripadanya ialah Biskop *Diocese* Malaysia Barat atau *Vicar-General* yang dilantik oleh Biskop atau oleh

Archbishop of the Province of the Anglican Church in South-east Asia semasa berlakunya kekosongan jawatan *See* Malaysia Barat atau Canselor, Bendahari, atau Setiausaha Perbadanan.

(3) Semua surat ikatan, suratan dan surat cara lain yang dikehendaki dimeterai dengan meterai Perbadanan hendaklah dimeterai dengan meterai Perbadanan dan hendaklah juga ditandatangani oleh dua orang saksi yang disebut dalam subseksyen (2).

(4) Tandatangan itu adalah keterangan yang cukup bahawa meterai tersebut telah dicapkan dengan sewajarnya dan sepatutnya dan bahawa meterai tersebut adalah meterai Perbadanan yang sah.

(5) Suatu perakuan yang berupa ditandatangani oleh Biskop *Diocese* Malaysia Barat atau, jika dia tidak ada, oleh *Vicar-General* yang dilantik oleh Biskop atau oleh *Archbishop of the Province of the Anglican Church in South-east Asia* semasa berlakunya kekosongan jawatan *See* Malaysia Barat adalah menjadi keterangan yang cukup mengenai orang yang dari semasa ke semasa menjadi ahli Jawatankuasa Tetap dan orang yang menjadi Canselor, Bendahari dan Setiausaha Perbadanan.

Pindah hak milik harta tertentu

4. (1) Setiausaha *Synod Diocese* Singapura yang diperbadankan di bawah Ordinan *Synod Diocese* Singapura 1958 yang padanya terletak hak semua harta alih dan harta tak alih yang bertempat dalam Semenanjung Malaysia yang dipunyai oleh Perbadanan sebelum sahaja Akta ini mula berkuat kuasa adalah dengan ini dilucutkan haknya mengenai semua harta alih dan harta tak alih itu dan semua harta, hak dan kepentingan mengenainya.

(2) Semua harta alih dan harta tak alih yang disebut dalam subseksyen (1) dan semua harta, hak dan kepentingan mengenainya adalah dengan ini terletak hak pada Perbadanan mengenai masing-masing harta, hak dan kepentingan yang baginya ia dipegang dan Perbadanan adalah berkuasa penuh untuk mengendalikan harta tersebut sebagaimana yang diperuntukkan dalam subseksyen 2(2).

(3) Pentadbir Tanah atau Pendaftar Hak milik yang berkenaan hendaklah menggantikan nama pemegang berdaftar dengan nama Perbadanan berkenaan dengan apa-apa kepentingan berdaftar mengenai harta tak alih dalam Semenanjung Malaysia yang dahulunya terletak hak pada Setiausaha *Synod Diocese* Singapura.

Pemansuhan

5. Ordinan *Synod Diocese* Singapura 1958 adalah dengan ini dimansuhkan.

UNDANG-UNDANG MALAYSIA**Akta 36****AKTA (PEMERBADANAN) *SYNOD DIOCESE*
MALAYSIA BARAT 1971****SENARAI PINDAAN**

Undang-undang yang meminda	Tajuk ringkas	Berkuat kuasa dari
Akta A983	Akta (Perbadanan) <i>Synod Diocese</i> Malaysia Barat (Pindaan) 1997	02-02-1996
P.U. (A) 312/2018	Perintah Penyemakan Undang-Undang (Pembetulan Tajuk Ringkas) 2018	

UNDANG-UNDANG MALAYSIA**Akta 36****AKTA (PEMERBADANAN) *SYNOD DIOCESE*
MALAYSIA BARAT 1971****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
1	P.U. (A) 312/2018	
3	Akta A983	02-02-1996
